



Broj/Broj: 01/a – 50 – 1 – 15 - 67/09
Sarajevo/Sarajevo: 23. 12. 2009.

ZAPISNIK

67. sjednice Predstavničkog doma Parlamentarne skupštine Bosne i Hercegovine, održane 23. 12. 2009. godine

Sjednica je počela u 10 sati. Prisustvovalo je 37 poslanika.

Opravadano je odsustvovao Jerko Ivanković Lijanović.

Iz Vijeća ministara BiH sjednici su prisustvovali ministri Dragan Vrankić i Safet Halilović.

Iz međunarodnih organizacija sjednicu su pratili predstavnici OHR-a i UNDP-a.

Predsjedavajući je otvorio raspravu o dnevnom redu.

Denis Bećirović predložio je da se dnevni red dopuni tačkom 2. koja bi glasila: Razmatranje zaključaka o oduzimanju diplomatskih pasoša ministrima u Vijeću ministara BiH, te poslanicima i delegatima u Parlamentarnoj skupštini BiH.

U raspravi su učestvovali: Denis Bećirović, Vinko Zorić, Beriz Belkić, Adem Huskić, Ekrem Ajanović, Momčilo Novaković, Husein Nanić, Drago Kalabić, Bakir Izetbegović, Sefer Halilović, Selim Bešlić, Mirko Okolić, Šemsudin Mehmedović i Remzija Kadrić.

„Za“ prijedlog Denisa Bećirovića glasalo je osam poslanika (iz Federacije BiH pet, iz Republike Srpske tri), „protiv“ su glasala 22 poslanika (iz Federacije BiH 16, iz Republike Srpske šest), a tri poslanika bila su „suzdržana“. Dom nije usvojio navedeni prijedlog.

Predsjedavajući je za 67. sjednicu Predstavničkog doma konstatirao sljedeći

DNEVNI RED

1. Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu, predlažać: Predsjedništvo BiH, zakon broj 01, 02 – 02 – 4 – 120/09, od 21. 12. 2009. (prvo čitanje).

Prije nego je otvorio raspravu o Prijedlogu zakona, predsjedavajući je upoznao Dom da je preminuo nekadašnji poslanik i predsjedavajući Predstavničkog doma g. Pero Skopljak. Dom je minutom šutnje odao počast preminulom Peri Skopljaku.

Ad. 1. Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu, predlažać: Predsjedništvo BiH, zakon broj 01, 02 – 02 – 4 – 120/09, od 21. 12. 2009. (prvo čitanje)

Predsjedavajući je dao uvodne napomene. U raspravi su učestvovali: Sadik Bahtić, Milorad Živković, Drago Kalabić, Ekrem Ajanović, Adem Huskić, Mirko Okolić, Rifat Dolić, Momčilo Novaković, Bakir Izetbegović, Husein Nanić, Martin Raguž, Azra Hadžiahmetović, Milorad Živković, Niko Lozančić, Remzija Kadrić, Denis Bećirović, Beriz Belkić, Bajazit Jašarević i Velimir Jukić.

„Za“ Prijedlog zakona glasalo je 30 poslanika (iz Federacije BiH 22, iz Republike Srpske osam), „protiv“ su glasala dva poslanika a dva poslanika bila su „suzdržana“. Dom je usvojio Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu u prvom čitanju, s Mišljenjem Komisije za finansije i budžet.

Zatim se prešlo na glasanje o zaključku poslanika Martina Raguža koji glasi:

Povodom ranije donesenog zaključka Parlamentarne skupštine BiH o osiguravanju povoljnih kreditnih sredstava u inozemstvu za finansiranje povratka izbjeglica u iznosu od 400 miliona KM, Predstavnički dom Parlamentarne skupštine BiH obavezuje Vijeće ministara BiH da u roku od šest mjeseci osigura konkretan korak, tj. značajna finansijska sredstva za povratak kroz zaduživanje, te da o tome redovno (a najmanje svaka tri mjeseca) izvještava Predstavnički dom Parlamentarne skupštine BiH.

„Za“ je glasalo 28 poslanika (iz Federacije BiH 24, iz Republike Srpske četiri), „protiv“ su glasala tri poslanika a dva su bila „suzdržana“. Predsjedavajući je konstatirao da nema entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

Dom se na kraju izjašnjavao o zaključku poslanice Azre Hadžiahmetović koji glasi:

„Da se Predstavnički dom Parlamentarne skupštine BiH izjasni o razmatranju Prijedloga zakona o Budžetu institucija BiH i međunarodnih obaveza za 2010. u drugom čitanju na današnjoj sjednici.“

„Za“ je glasalo 17 poslanika (iz Federacije BiH 16, iz Republike Srpske jedan), „protiv“ je glasalo 16 poslanika a jedan je bio „suzdržan“. Predsjedavajući je konstatirao da nema entitetske većine. Kolegij je odmah proveo usaglašavanje i kako nije postignuta saglasnost, prešlo se u drugi krug glasanja.

„Za“ je glasalo 17 poslanika (iz Federacije BiH 16, iz Republike Srpske jedan), „protiv“ je glasalo 16 poslanika (iz Federacije BiH sedam, iz Republike Srpske devet), a jedan je bio „suzdržan“.

Zatim je na prijedlog Kluba poslanika SNSD-a ponovljeno glasanje.

Dom sa 17 glasova „za“ (iz Federacije BiH 16, iz Republike Srpske jedan), 16 glasova „protiv“ (iz Federacije BiH šest, iz Republike Srpske deset), i jednim „suzdržanim“ glasom nije usvojio zaključak Azre Hadžiahmetović.“

Time je realiziran dnevni red.

Predsjedavajući je, na kraju sjednice, napomenuo da je 68. sjednica zakazana za 30.12. 2009. Također je čestitao božićne praznike onima koji ih slave.

Sjednica završena u 13,15 sati.

Sastavni dio Zapisnika je transkript 67. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković